



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thesavrvs Casvum Conscientiæ

Continens Praxim exactissimam De Censvris Ecclesiasticis, Aliisque
Poenis, & Canonicis impedimentis, in Septem Libros distributus ...

Sayer, Gregory

Venetiis, 1627

Praelvdivm.

urn:nbn:de:hbz:466:1-13883

355
DE INTERDICTO
ECCLESIASTICO.

Liber Quintus.

P R A E L V D I V M.

Autores de Interdicto tractantes.



E Censura hac Interdicti Theologi Scholastici sparsim tractare solent, si quidem de ea breuiter agunt Richard. 4. dist. 7. art. 5. qu. est. 1. Palud. 4. dist. 18. qu. est. 8. Ioannes Bachonus, 4. dist. 11. qu. est. vnica, art. 4. Dominicus Sotus 4. dist. 2. qu. est. 3. art. 1. Martin. Ledesma. 2. 4. qu. est. 26. art. 2. Henriquez lib. 13. cap. 41. & sequentibus, Gregorius de Valentia tomo 4. Disput. 7. q. 18. puncto 2. Canonista, in varijs locis iuris. Summistae, in verbo interdictum, vt Summa Pisanella, Angelica, Syluest. Tabiena, Summa Confessorum lib. 3. titulo 33. qu. est. 219. & deinceps, Astensis, lib. 7. tit. 16. S. Antoninus, 3. par. tit. 27. Caieta. in verbo Interdicti violatio. Bernardus Diaz in praxi Canonica, c. 121. Martin. Nauar. in Manuali, cap. 27. a nu. 164. Couar. in cap. Alma mater, par. 2. de sen. excom. lib. 6. & lib. 2. variar. resol. cap. 8. nu. 10. Barthol. Medina, lib. 1. Instruct. Confess. cap. 11. §. 13. Simon Maiol. lib. 3. de Irregularitate, c.

20. & 23. M. Antonius Cucchius, lib. 4. Instruct. Furis Canonici, tit. 12. Joseph Angles, in floribus 4. Sententiarum, par. 2. in questione de Excommunicatione, art. 6. Martinus Alphonius Viualdus in suo Candelabro Aureo, par. 2. in tractatu de Interdicto. Iacobus de Grassis, lib. 4. suarum. Decisionum Aurearum, cap. 26. Bartholom. Vgolinius in tract. de Ecclesiasticis Censuris, Tabula 5. Cosmus Pbilarchus, de officio Sacerdotis, par. 1. lib. 4. cap. 3. & 4. Marcus Antonius Berarducius in sua Corona Confessorum, par. 3. cap. 10. tract. de interdicto. Thomas Zerula in sua praxi Episcopali, par. 1. §. 2. in verbo, Interdictum. Toletus in sua Summa nuper edita, lib. 1. cap. 18. & Sebastianus Medices in Summa peccatorum Capitalium, tit. 9. a questione 3. ad decimam, & alij Recentiores.

Quid, & Quotuplex sit Interdictum.

Cap. I.

S Y M M A R I V M.

- 1 Interdictum quot modis accipi solet.
- 2 Interdictum secundum iuris spiritum, vel est restitutorium, vel exhibitorium, vel prohibitorium.
- 3 Interdicti nomen a verbo [Interdicto] deducitur, & quae huius ratio sit.
- 4 Banniti, seu exules, quo sensu [Interdicti] dicuntur.
- 5 Interdicti vox secundum Canonistas duobus modis accipi solet.
- 6 Interdictum, quod censura Ecclesiastica est, quare sic appellatum est.
- 7 Interdicti definitiones varia ab auctoribus asseruntur.
- 8 Interdictum a reliquis censuris, & a cessatione a diuinis, qualiter distinguatur.
- 9 Interdicti definitio tria haec exprimere debet, scilicet prohibitionem officiorum diuinorum Sacramentorum, & sepulchra.
- 10 Interdictum, in locale tantum, personale tantum, & locale, & personale simul diuiditur.
- 11 Interdictum locale tantum, seu loci quidnam sit.
- 12 Interdictum personale tantum, quodnam dicendum.
- 13 Interdictum aliud Generale, aliud speciale esse potest.
- 14 Interdicti diuisiones qualiter inter se differant; & vnde sumantur.
- 15 Interdictum personale generale, vel speciale quodnam censeri debeat.
- 16 Interdictum locale tribus praecipue modis ferri potest, & quinam illi sint.

- 17 Interdictum ciuitatis, castri, seu villa, improprie ab Angelo interdictum speciale appellatur.
- 18 Interdictum personae singularis rectius suspensio, quam interdictum appellatur.

Quoniam vero interdicti nomen ambiguum est, varia eius acceptio in primis exponenda erit, vt si res ipsa melius intelligi possit; solet autem quatuor modis accipi:

Primo, amplissime, pro solemniter dicto Praetoris aliquid fieri praecipientis, siue preceptum illud prohibitorium sit, siue alterius modi; vnde gl'os. in Clem. 1. de foro compet. in hoc sensu. Interdictum esse dixit solemnem, & formatam quandam verborum conceptionem, qua Praetor aliquid fieri iubebat, vel prohibebat, quod tunc maxime faciebat, cum de possessione, vel quasi possessione inter aliquos contendebatur; ita vt hoc sensu Interdictum sit, quasi inter duos dictum Praetoris, quo inter Reum, & Actorem aliquid dicendo constituit, aliqui iubens, aut prohibens fieri, vt habetur Instit. de interdict. circa princ. & ff. eod. Secundum quam acceptationem Interdictum in iure ciuili diuiditur in tria, scilicet, vt aliud sit Restitutorium, aliud Exhibitorium, aliud Prohibitorium; vt cum Praetor prohibet aedes extrui in loco, in quo Actor eas petebat extrui; aut cum iubet aliquid restitui, quod Reus per exceptionem defendebat ab eo non esse restituendum. Quae nominis acceptio, vt amplissima est, ita etiam, & impropria est.

Secundo accipitur strictius pro solo interdicto, seu dicto Praetoris prohibitorio deducto nomine a verbo *Interdicto*, quod significat prohibeo; vt interdicto tibi ingressum domus meae, aut interdicto te ingressu, id est prohibeo, vt habetur in Instit. de interdictis. §. exhibitoria, vers. sunt tamen. Zabar. in cap. fin. num. 7. de excessi. praelat. vt inter recentiores recte annotauit Alphonius Viualdus in Candelabro tit. de Interdicto, num. 1. contra Syluestrum verbo, Interdictum, in princip. qui Interdictum, quasi inter duos